

CICIKOANBADIEGU

BULICINA FASO
Taanyenma - Findima - Teginma

GUVENEMA MASOAGINDO

BAALO KOANBALA TAANLI
JAGA DOAGIDIMA

(PP-G/TRANS N°025-2024)

Dokiteeri Bubakari SAVADOGO

Li binli 2024 cilele o dana 24 Wagadugu pó

Tinunga 1 bonmu 27 nni

Baalo Koanbala Taanli den kali Wagadugu
nani ban maani ki tiedi maama dana lele kuli,
alaalibu daali, li binli 2024 cilele o dana 24,
ki cili leeri 9 yogunu ki ban gbeni leeri 13 leni miniti 15.
Kapitenni Ibarayimi TARAWORE, yua n tie ti Diema
Yudanciamo leni a Koanbala Taanli Liigiyua n den
gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu
bi niba n gedi dietoama nni ti Diema yeli po.

.

I. A JAGA

I.1. BULICINA FASO YUDANCIAMO BADIDIEGU

A Koanbala Taanli taa **jaga lie (02)**.

Li cicijagili tuugi leni yaa cagili n baa yaa gobidi ki tegindi yaala n tie tagili a tuonjaana nni cilima, li boginma, li cenli fuuli, yaa niba n baa yaa ye li cagili yeni nni n baa da maama leni li cagili yeni n baa cuoni maama.

Li cagili yaali n baa yaa gobidi ki tegindi yaala n tie tagili a tuonjaana nni mayuli tie ki yaa ŋanbidi yaala n tie tudima kuli ti tuonsoandiedi nni. Laa cagili pia u fidu ki gobidi tuonsoandiegu kuli yaagu n puogidi a tuona. Li tie yaa tuonsoandiedi n tie tuonsoandienaanba leni yaa tuonsoandiebila n ye desiyonba nni, porovensinba nni leni komininba nni bi niba kuli po, yaa tuonsoandiedi n tuugi leni a minteela, a minteela tuonsoandiedi, komininba tuonsoandiedi, Baalo touonsoanjaana, Baalo saliwuudi tuonsoandiedi leni a tataannicaga yaa n tuuni bi niba yema ŋamu po.

I tagili ŋoadi leni bi tuonsoanba n tuadi yaa tuongunda ke o ba kuli ki jaligidi ba, ban taa yaa tundi yaaba n tudi po ama ke liba ki tieda, ban doagidi yaaba yaa tudima ki nan cedi ke bi li baa ki tuuni nani ke baa tieni tagili ba yeni, ban bili yaa balimaama ama ke bi tuonsoanba naa kubi ma, ban tendi yaa tundi ke bi tuonsoanba yie ki naa kubi yi, a sanbila leni mi pegidima nani ban bili maama yiema yaala n coagini bi niba ti tuonsoandiedi nni leni ban jia yaa tuonsoanba buudi ki nan go cedi ke bi li baa ki tuuni nani biili baa ki ŋua bi yeni.

Li cagili yaali n baa yaa gobidi ki tegindi yaala n tie tagili a tuonjaana nni tuonli baa yaa tie nani:

- ki bandi yaa jaga n taa ki baa tundi yaa tuonsoanlo n tudi ki go bandi lan gaa maama ke li tuonli liigi yua mo naa pia tagili baa;
- ki teni ban diidi ki goandi yaa tuonsoandiedi ki taa yaa jaga n tieni nani li balimaama n bili maama;

- ki teni ban fiidi ban doagidi yaa tuonsoanlo tagili tila ke bi naa kuani o ti buudi nni ke li tuugi leni saliwuudi tuona.

Laa jagili taama baa teni li cagili yaali n baa yaa gobidi ki tegindi i tagili a tuonjaana nni n cili, lan pugini a tuonna cenli jamu ti tuonsoandiedi nni nani mi diema gobidima sanbila masienkaama tili ban den tuo yaali li binli 2022, cipiiga o 14 daali ki guani ki pegidi li li binli 2024, cimuu o 25 daali, ñoamabonli 2 kani lan bili maama.

Li jagilieli (02) doagidi mi diema Yudanciamo Yantiali bu kpaabu leni li jeeguoli po cilima.

Mi diema Yudanciamo yantiali bu kpaabu leni li jeeguoli po sugini ki cuani bu nunfankpaabu nani u yogunu n lebidi maama, lan tua gaapo moala na leni yaa bina n kpendi po, ke mi diema gbamandanba mo puni bi yula bu kpaabu po. Li go tie ki teni li jeeguodili n tieni ki go ñanbi bi kpakpaaba mo yaa yema Bulicina Faso nni.

Laa nunlema bu kpaabu leni li jeeguoli po n baa tagini yaa sanbila nne:

- **Li sanbikpiali (01):** ki yaa ko bu nunfankpaabu nani u yogunu n lebidi maama po lan pundi baabiciami 5 000 ;
- **Li sanbilieli (02) :** ki jaligi ki pugini bu muulikpaabu, halikama kpaabu leni sadinga kpaabu Bulicina Faso nni baabiciami 16 000 nni;
- **Li sanbitaali (03) :** Ki bogini Bulicina Faso minteela jiema kpaabu baabiciami 6 750 nni;
- **Li sanbinaali (04):** ki bogini daadogu guunli li jeguoli nni baabiciami 5 000 nni lan teni sikidi tagima tuonsoancagili (SOSIKO) leni yaa dojaana n baali li kani, VEDEPEENBA leni a nitaancaga n yaa ko baabiciami 3 500 nni ke mi diema kpakpaala liigiyaaba (SENA) mo ko baabiciami 1 500.

Mi diema Yudanciamo yantiali bu kpaabu leni li jeeguoli po tuugi leni Bulicina tuonsoancagiciama biilo. Laa yantianli tienma baa bua **miliyaadi kobiga n piilie leni miliyon kobinii n piyyia n bonbitaa n kobiga n tuda piyyia (120 893 190 000) sefa ligi nni.**

Laa jagili taama baa teni mi diema Yudanciamo yantiali bu kpaabu leni li jeeguoli po tuona n cili.

I.2. KU CICKOANBADIEGU KANI

A Koanbala Taanli taa **jagalie (02).**

Li jagikpiali (01) tuugi leni mi diema findima tuonli (ESENDE) gobidima mabilikaama tuoma.

Li binli 2015 Guvenema den guani ki kuani li balimaama nni mi minteelibangima yaala n baa teni mi bibiadima tuada yaa n tie pakili mi diema po n gbeni. Laa jagili taama yaala n tuugi leni mi diema po tuonli guari tandima naa den fidi ki lebidi bi niba yantiana nani ban den sugini lan tua maama ke lipo teni ke bi go den guani ki fidi Guvenema n den taa yaa jagili li binli 2021 citaa o 26 daali, ke li lanba tie n°2021-0151/PRES/PM/MINEFID ki tuugi leni mi diema findima tuona po.

Bina lie puoli, laa jagili tuoma tienma nni a paka tieni. Li tie nani ya paka n yegi leni bi niba gagidima, mi bangima fuuna poadima, mi jagitaaluoma li yumiinli poadima po.

Laa jagili sugini ki bili mi diema findima tuona tuonsoanjaali po maagobidikapanma.

Laa jagili taama baa teni mi diema findima tuona tuonsoanjaali n fidi ki yaa tuuni nan lan bili maama ke li tuugi leni ban den taa yaa balimaama li binli

2023, cinii o 17 daali ke li lanba mo tie n°29-2023/ALT ki tuugi u baadogu buama tuonli cilima.

Li jagilieli (02) doagidi a sanbila yaa niba n pundi ki soani u baadogu buama tuonli leni yaa niba n kan ji kua laa tuonli nni (ESENPE).

Ki soani u baadogu buama tuonli baa cili leni bi niba taama, bi kuanma, bi yema leni a tuona bangima.

Li boncanla laa jagili taama nni tie:

- li minteeli tuonli kuanma u baadogu buama tuonli nni;
- yaaba kua lienni tie gbaali yaali n baa fidi yogunuba po ki todi mi diema minteela mi diema guunli nni;
- Ki da go ñani u bianu a bina po yaaba n bua ki kua u baadogu buama tuonli taama nni.

Laa jagili taama baa teni u baadogu buama tuonli n ñoadi leni moala ne yema n tie maama, nani ban den taa yaa balimaama li binli 2023, cinii o 17 daali ke li lanba tie n°029-2023/ALT, ke li tuugi leni u baadogu buama tuonli cilima po.

I.3. YAA KOANBADIEGU N DIIDI BAALO SALIWUUDO LENI YAA TUONSOANBA N GAANI I DMAPANI YEMA NAMU

A Koanbala Taanli taa tiwaankayenli yaali n tuugi leni li fuali guudima tuonsoanba 300 ban baa taa yaaba VEDEPEENBA siiga ; li baa tua yaaba n pia ban bili yaala kuli mi taama yeni po. Laa niba 300 taama tie ke bi bua ki biini yaa niba n den poadi fuaguuda 975 taama nni, mi gaanilindima leni mi ñima leni i yianbonfuodi bolinma tuona koanbadiegu kani li binli 2024 po.

Laa tuonsoanba taama tuugi leni a Koanbala Taanli yaali n den kali li binli 2023, cilie o 15 daali ki tuo ban gagidi ki taa a fuaguuda niba 4 000 binataa siiga, mi gaanilindima leni ñima leni i yianbonfuodi bolinma tuona koanbadiegu yeli po.

Tinunga 7 bonmu 27 nni

Laa jagili taama baa teni ban taa a fuaguuda ban yaaba yaa tuona n baali leni a minteela mi biadima tuona koanli jama nni ki go pugini leni mi diema fuana leni parikinba guunli po.

A Koanbala Taanli puni u sanu yaa Koanbali n die laa tuonsoanba taama maama n moandi ki bogini njama laa taama po.

I.4. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA

A Koanbala Taanli diidi yaa balimaama n bogini ki tuo yaa masienkaama n waani yaa cagili n diidi li njandunli nni kuran n pia yaa ñuadi leni yaa kubili.

Yaali n tie li njandunli kuran cagili tuona po, a bandiciama leni li cagili tuonsoanba cuoni yogunu kuli Bulicina Faso nni. Laa cena go baa fidi ki pugini ke li njoadi leni mi kuran kaanciamu maama goandima ti diema nni.

Laa juogu tie ki teni li njandunli nni kuran cagili tuonsoanba leni li bandiciama leni yaaba kuli n tie yaa diema n ye laa cagili nni tonda yaaba ca li cagili yeni taana, n yaa baadi li cagili ñuadi leni i ligi todima.

Laa juogu tuoma baa dingi ki go pugini li njandunli nni kuran cagili tuona ti diema nni ki go wadi li cenli dana tenma bianu. Li go baa teni li njandunli nni kuran cagili bandiciama leni li tuonsoanba n yaa kpendi yogunu n kuli Bulicina Faso nni ki go teni ban yaa baadi bi sancenli ñuadi yaa yogunu n kuli.

A Koanbala Taanli tuo ke laa balimaama yaama n da tie boginli n pundi Depiteenba kaanu.

I.5. YAA KOANBADIEGU N DIE TI BUUDI LENI O NISAALO N PIA YAA SANBILA TUONA, KI TUUGI LENI A TUONSOANJAANA

A Koanla Taanli taa **jagalie (02)** ke a tuugi leni ti buudi jama liigi yaaba cagili Yudaano leni o duogili bala dinma.

Li binli 2023, piiga n cilie o 30 daali, Depiteenba den tuo mi diema tibulo balimaama yaali yaa lanba n tie n°045-2023/ALT, ki tuugi leni mi diema tibulo lebidima. Nani laa balimaama ñoamabonli 132 kani n yedi maama, a bujjala liigi yaaba cagili baa pia yaa niba n ñani bi bujiaba siiga, ki yaa pia ban tieni u tigandu ki taa yaa niba leni ban gagidi ki gandi yaaba li cagili tuona po. Laa ñoamabonli mafùùtaali (03) kani mo waani ke yaa niba n ye a bujjala liigi yaaba cagicianli yeni nni n baa taani ki gandi bi siiga o Yudanciamo leni o duogili ke bani niba lie yeni mo bala diedima baa cili leni a Koanbala Taanli n baa taa yaa jagili daali.

Laa gandima nni Adama **WEDARAWOGO** tie yua tua a bujjala liigi yaaba cagicianli Yudanciamo ke Bayimane Anselen **PODA** mo tua o duogili.

Laa jagili taama baa teni li bonla kuli n ñoadi nani mi diema tibulo n bili maama ki go teni a bujjala liigi yaaba cagicianli Yudanciamo leni o duogili n cili bi tuona .

I.6. YAA KOANBADIEGU N DIIDI ENTERINETI LENI A TISOANKAANA TUONSOANDIEDI LENI TELEFONNI TUONA

A Koanbala Taanli diidi balimaama yaama ke bi bogini ke li tuugi leni o nisaalo gagidibandima nannanyenli a masina nni.

Bulicina Guvenema cili hali li binli 2018 ki baa yaa gagidi ki bandi nilo kuli a masina nni ke lan teni yuakuli n yaa pia nannanyenli. Li tie ki teni nannanyenli ni saalo kuli yua ye Bulicina Faso tinfanma nni, baa leni li daano n tie yaa diema

yua kuli, o siedo n tie maama kuli, wan dua naankani kuli leni o bina n daa maama kuli.

Nannanyenli gagidibandima baa todi:

- ban baa nilo kuli laabaali tontonma i ḡassili nni nani lan bili maama li ḡandunli nni leni ti diema nni;
- yaa caga n gagidi ki bandi bi niba n yaa pia mi tuginma bi siiga nni ki go yaa faami nilo kuli nannanli po;
- nisaalo kuli n yaa tie yendo a nannana siiga leni o gbannandi nni ;
- o nisaalo gagidima tila yaa n ye moala leni yaa n kpendi kuli baama n yaa faali ke panpaani ba ki ye lienni Bulicina Faso tinfanma nni.

Laa balimaama yaama ke bi bogini yeni baa teni Bulicina Faso n baa sanbiteginkaali leni tuonsoantiamoangu bi niba gagidibandima po a masina nni laa faala ki go pia i ḡasiili nili kuli po ki go baa teni bi niba gagidibandima jandi n gbeni.

A Koanbala Taanli tuo ke laa balimaama yaama n bogini yeni n pundi Depiteenba kaanu kani.

I.7. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA KANI

A Koanbala Taanli taa **jagiyenli** ke li tuugi leni ban baa guudi bi tuonsoanba, a yيامa, bi niba leni mi gaanilindima maama leni mi yenyenbiadima.

Laa jagagili tie yaa jagili n den taa li binli 2019, cilele o 18 daali ke li lanba tie n°20190783/PRES/PM/MEEVCC/MINEFID/MS/ME/MERSI/MRAH/MCIA/M FPTSS ki tuugi leni ban baa ḡoadi yaa sanbila ki baa ki guudi bi tuonsoanba, a yيامa, bi niba leni mi gaanilindima maama leni mi yenyenbiadima jalibu lebidima.

Li boncanla laa jagili nni n tie na:

- bi tuonsoanba guunli puginma yaa dogi n bua ki bugini o kuranciamo tiadi nani lan bili maama;
- ki bili mi diema nni yaa tili ke bi baa yaa dangi bi tuonsoanba yela leni ban tendiba yaala kuli;
- ki gagidi ki go bandi li tuonli kaani ki go bogini ki guudi li kaani;
- ki doagidi canyi yaa tuona n tugi Baalo yuli po leni mi diema nni yaa cagili n diidi o kuranciamo n cuoni maama yuli po;
- Ki yaa tiani ki go faami nana a puotugipunba po, a tuonsoanbila leni a biwaala po.

Laa jagili taama baa pugini yaa balimaama n tuugi leni li guunli leni o kuranciamo paalu Bulicina Faso nni.

II. I LAABAALITENKE

II.1. Yaa koanbali n die ku gbanansaagu jeliti tuona, bi nipanba leni a tuona maama yua n da gaa moala ne po yaa koanbali n die i laabaali, ku maasuagu, leni yanluadi goada tuona kaanu kelima waa ye likani, waani a Koanbala Taanli nni ke mi piiga n tanaama badu yu n baa taani li ṅandunli yanluadi goada leni Wagadagu candiedi daali lani n tie (SITO).

Laa badu baa tieni piiga n cilo o dana 28 ki ban gbeni piiga n cilie o dankpiali daali li binli 2024, ke u badu mayuli tie « **Yanluadi goada, lan tie ti maasuadi buoli findima leni yi bandima** ».

SITO badu tie ki teni mi niyoma kuli n bandi Bulicina yanluadi goada n cuoni maama leni dietoama ya, ki teni yanluadi goada banda n boe ki go waani bi tuona n cuoni maama leni lan baa fidi ki luodi yaa sani dotoe bandima nni.

II.2. Yaa koanbali n diidi ti diema loagu, mi ligi leni a tuonboginkaana waani a Koanbala Taanli kani yaa ligi n kua u baadogu buama todima po yaa ṅmaluobidi n pendi puoli po li binli 2024 yaa niinni.

Ciluoba o dana 25 li binli 2024 yaa ligi n kua pundi **Seefa ligi po miliyaari piinii n bonbiluoba leni miliyon kobilie n bonbitaa n piinii n tuda nii n kobiluoba n piyyia n kuumu muu n falinolie (k 86 203 088 695,2)**, ki tie li binli nni nunlema ligi taanma po ke li pundi 86,20%.

Laa yogunu mo yaa boagidima nni, yaa ligi n kua tie **Seefa ligi nni miliyaari piimuu n bonbimuu n miliyon kobiga n piinii n bonbinii n kobiga piinaa n tuda nii n kobitaa n piilele n kuumu muu n falinolie (k 55 188 148 375,2)** yi n den kua citaa o dana 26 yaa niini, li pundi 64,02%, hali ciyendo li binli 2024.

I ligiñake kani, ban den bili ke yi baa ña tie **Seefa ligi nni miliyaari kobiga n piiga n bonbitaa n miliyon kobiluoba n piilele n bonbibilele n piilie n tuda nii n kobinii n piinaa n kuumu naa n faliniyendo (k 113 677 028 844,1)**. Yaa ligi

n ko ñani a tuona po pundi **miliyaari kobiga n yendo n miliyon kobiya n piilie n bitaa n piiya tudaluoba n kobinaa n piinaa n kumuunaa leni falini yendo (k 101 923 096 444,1)** seefa ligi nni, lan tie ke u ñoanianu kuama pundi 89,66%.

Yaa ligi n ñani bi niba tugili po tie **Seefa ligi nni miliyaari piinaa n bonbimuu n miliyon kobinii piilele n bonbimuu (k 45 875 000 000)** leni yi n ñani ti tiadi leni a masina kpama po tie **miliyaari piimuu n bonbiluoba leni miliyon piinaa n bonbinii n piiya n tuda luoba n kobinaa n piinaa n kuumu naa n faliniyendo (k 56 048 096 444,1)**.

Laa yogunu boagidima nni ligipake fii **Seefa ligi nni miliyaari piimuu n yendo leni miliyon kobilie n bonbipiyyia n kobiga n piilie n tudiyenli n kobinaa n piiga (k 51 290 121 410)**.

Yaala n tie bi tuonsoanba pani po, yaa ligi n ñani lipo tie **Seefa ligi nni miliyaari piitaa n bonbilie leni miliyon kobiya n piinii n bonbinaa n piinii n tudanaa (K 32 984 084 000)**, lani n tie 84,01% VEDEPEENBA pani po, ki cili ciyendo ki gedi ciluoba li binli 2024. ligitoe mo ñani bontoala po nani mi diema VEDEPEENBA jiema, bi laafialo, bi bangima leni bi kubili bi saali yema po.

II.3. Yaa koanbali n die ti buudi leni o nisaalo n pia yaa sanbila tuona, ki tuugi leni a tuonsoanjaana den waani a Koanbala Taanli, ke bi baa teni ban kpenni Rasiidi KANASUWE ke o ye Senegali, ki teni bulicina faso bujjala yudanba.

Ciyia o dana 08 li binli 2023, Waga I bujjali diegu kani, o bujjanaalo den teni li tili ke ban sieni Rasiidi KANASUWE, ke o mali ciyendo o dana 1 li binli 1988 Putenga dogu nni, kelima o janbiciami po. Senegali Polisi yudanba den tuo u sienu tili ki sieni o DAKAARI po. Ciyia o dana 29 li binli 2023, yaa bujjalo n tugi laa buudi yuli den mia Senegali bujjaba yudanba ban kpenni o.

Senegali bujjali yudanba tuo bu miabu, ki baa teni ban kpenni Rasiidi KANASUWE, ti buudi po.

III.4. Yaa koanbali n diidi ku gbanansaagu jeliti tuona, bi nipanba leni a tuona maama waani a koanbala taanli kani li n̄andunli nipanba daali badu li binli 2024 po, ke laa badu baa tieni li binli 2024 cinii o dana 12 daali.

Dunli ne, Bulicina faso bogindi li n̄andunli nipanba daali badu ke li mayuli mo tie « **Bi nipanba, u baadogu guunli mi domaatiema sanbili nni leni mi yanduama luoma moapaadima Bulicina Faso nni** ».

Laa mayuli gandima yegi leni moala ti diema n ye yaa muali nni.

Laa badu baa tieni ti diema piinaa n porovensi bonmuudiba nni. Li daali, tuonbuolibuoli baa soani. Nannani u badu luodima ki n̄oadi leni li boeli nunga leni nunga, ti Diema Badiciamo leni bi nipanba Wagadugu dogu nni, ki ban juodi leni li tijuuli.

II.5. Yaa koanbadiegu n die ti tiadi tugima leni bi niba sancenli i dogi nni leni i sanu n̄amu waani a koanbala taanli kani yaa bangima n baa tieni i biakaabi kudima po, cinii juodima li binli 2024 Wagadugu biakafancianma kani.

Li boginli tie ki bogini ki ñani a jagipaana lan cuani gaapo a paka po ki go kaani cagipanli yaali n baa yaa faami a tuona po.

Laa tuonli tie ki bogini ki moa leni yaa tuadigunda n baa fidi ki ti cua mi biakafanma kani. Li tie lan yaa po yo ke bi baa bogini ki tieni mi biigima ki bandi bonbiadila ya cua mi biakafanma nni, a tuoncaga n baa soani maama, ki go bandi ti tuonsoantiadi fidu n tie maama.

Bi baa bogini maama ke li kan pangi Wagadugu biakafancianma kani a tuona n yaa tuuni ki n̄ua li fuuli.

III. BAN DINI YAABA A BALA

III.1. YAABA N BAA LI BALI TUONCELI PO

A. YAA KOANBADIEGU N DIIDI BAALO SALIWUUDO LENI YAA TUONSOANBA N GAANI I NMAPANI YEMA NAMU

- O ja Natewende Mariten **WEDARAWOGO**, o lanba li tuonli nni tie **212 187 J**, o tie bi niba gobidima tundikoa, bi dini o li bali ke o tua yudaano yaa tuonjaali n tuuni baalo tuonsoanla banma n baa u fidu.

B. YAA KOANBADIEGU N DIE I LAABAALI, KU MAASUAGU, LENI YANLUADI GOADA TUONA

- O ja Danieli **SONGO**, o lanba li tuonli nni tie **224 699 Y**, o tie laabaalitenma tundikoa, bi dini o li bali ke o tua li koanbali todikoa, o lebidi ki gaa o ja Useni **SAWADOGO** yaa kaanu.

C. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA

- O ja Bulimoanli Leonaadi **LONPO**, o lanba li tuonli nni tie **104 413 C**, o tie diema leni mi yama tuginma tuona tundikoa, bi dini o li bali ke o tua canbaanciamo yaa tuonjaali n yeni yaa nantaadi n tuugi leni balimaama leni ti niba yaaba n ye dietoama nni nantaadi ;
- O ja Rose **WEDARAWOGO**, o lanba li tuonli nni tie **57 709**, o tie polisi tuonsoangbeeli, bi dini o li bali ke o tua ti diema Tondo Bulicina Faso Saliwuudo Mali diema nni tundikoa.

D. KOANBADIEGU N DIIDI TI DIEMA LOAGU, I LIGI LENI A TUONBOGINKAANA

- Dawuda **KIRAKOYA**, o lanba li tuonli nni tie **46 272 A**, o tie a bancana tuona goandikoa, bi dini o li bali ke o tua li tuonboginkaali ligiyuli 036 « **Goandima, fiididiidima leni Baalo namu kubima** » ;

- O ja Sulemaani **KARANBIRI**, o lanba li tuonli nni tie **215 220 Y**, o tie cogibigbenga cogicanbaa, bi dini o li bali ke o tua tuonjaabiga canbaa yaa tuonjaali n die baalo tuonjaana tinfanma maama (ANDEFOPi) ;
- O ja Samieli **SAWADOGO**, o lanba li tuonli nni tie **334 184 J**, o tie Baalo ligi tuonsoandiedi tuona gobidikoa, bi dini o li bali ke o tua ti tiadi kubilo liigiyua yaa tuonjaali n die mi laabaalitenma tuonsoantiadi leni li sanbila findima (ANPITIKI) ;
- O ja Samy **KANSIE**, o lanba li tuonli nni tie **200 053 U**, o tie Baalo ligi tuonsoandiedi tuonsoanlo, bi dini o li bali ke o tua ti tiadi kubilo liigiyua yaa tuonjaali n die a sancena laafiali maama (ONASEERI) ;
- O ja Mahamudu **KONGO**, o lanba li tuonli nni tie **303 080 A**, o tie baalo ligi tuonsoandiedi tuonsoanlo, bi dini o li bali ke o tua ti tiadi kubilo liigiyua Fada cogibigbenga cogidiegu Yenbila Abidulaayi TOGUYENI kani;
- **RANMIDE** Kudipoko Sabinni **ZONGO**, o lanba li tuonli nni tie **104 948 P**, o tie baalo ligi tuonsoandiedi tuonsoanlo, bi dini o li bali ke o tua ti tiadi kubilo liigiyua yaa tuonjaali n die ti laafialo tuona ku kpaangu jiema nni (AYENBE) ;
- O ja Mamadu **WEDARAWOGO**, o lanba li tuonli nni tie **210 801 S**, o tie baalo ligi tuonsoandiedi tuonsoanlo, bi dini o li bali ke o tua ti tiadi kubilo liigiyua i ligi tuona cogidieciangu kani (ENAREFI) ;
- O ja Idirisa **NAKANABO**, o lanba li tuonli nni tie **359 082 X**, o tie baalo ligi tuonsoandiedi tuonsoanlo, bi dini o li bali ke o tua ti tiadi kubilo liigiyua SIAWO tuonsoandiegu kani ;
- O ja Kanre Honore **PASERE**, o lanba li tuonli nni tie **219 319 R**, o tie baalo ligi tuonsoandiedi tuonsoanlo, bi dini o li bali ke o tua ti tiadi kubilo liigiyua yaa tuonjaali n die i laabaali sanbila guudima (ANSI) kani;

- O ja Yitanen Oben **SIBA**, o lanba li tuonli nni tie **235 902 E**, o tie Baalo ligi tuonsoandiedi tuona gobidikoa, bi dini o li bali ke o tua ti tiadi kubilo liigiyua yaa tuonjaali n die li bonla leni bi niba coali baanma (IYENESIDE) ;
- O ja Siliven **TAPISOBA**, o lanba li tuonli nni tie **225 100 U**, o tie Baalo ligi tuonsoandiedi tuona gobidikoa, bi dini o li bali ke o tua a tuonsoankaana tenma liigiyua yaa tuonjaali n die wula tuonsoankaani guudima (ONASIMI) kani ;
- O ja Yesuma **BADUNNI**, o lanba li tuonli nni tie **104 244 G**, o tie Baalo ligi tuonsoandiedi tuona gobidikoa, bi dini o li bali ke o tua a tuonsoankaana tenma liigiyua i tuonsoanbanbuoli cogidiegu yu ye Wagadugu (EPO) ;
- O ja Yusufi **GUNBANE**, o lanba li tuonli nni tie **97 604 F**, o tie Baalo ligi tuonsoandiedi tuona gobidikoa, bi dini o li bali ke o tua a tuonsoankaana tenma liigiyua baalo n die a lotola cogidiegu yu (ENESIPE) kani.

E. YAA KOANBADIEGU N DIIDI ENTERINETI LENI A TISOANKAANA TUONSOANDIEDI LENI TELEFONNI TUONA

- **KABA** pua Elise **NONGIÑAGIMA**, o lanba li tuonli nni tie **49 530 R**, o tie i laabaali tuonsoantiadi bando, bi dini o li bali ke o tua li koanbali todikoa.

III.2. NIYENDO BALI DINDIMA

YAA KOANBADIEGU N DIE TI DIEMA TINBUONA, KOMININBA GOBIDIMA TUONA LENI LI GUUNLI KANI

A koanbala taanli jagi ki dindi yua ŋua ne bali, lan tie:

- O ja Kaasumi **KABORE**, o lanba li tuonli nni tie **91 942 E**, o tie baalo saliwuudo komiciamo, ki bi tie Saaba depatema Perefefe.

III.3. YAABA N BAA A BALA A TUONJAANA YELI PO

A Koanbala taanli baa ban dini yaaba a bala ke bi tua Gobidikaaba yaa tuonjaana n nua ne nni:

- yaa tuonsoandieciangu n tuuni ti junjundi leni u nialu tuona (ISISI-SE) kani yaa koanbadiegu n die i laabaali, leni ku maasuagu leni yanluadi goada tuona yeli po;
- ti diema cogidiegu yaagu yaa kani ke bi bangi bu kpaabu tuona Maturiku dogu nni (Maturiku ENAFA) yaa koanbadiegu n diidi bu kpaabu leni li yanwubili tuona yeli po;
- yaa tuonsoandiegu kani ke bi todi leni i ligi leni u kpendu tuona (AYEFIPE-PEME) leni DAFANI-SA yaa koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma yeli po;
- yaa ligi n bogini ti diema nni u cogu leni mi bancanma lingima po (FONEERI) leni Bulicina Faso INIVERISITE viritieli kani (UV-BF) yaa koanbadiegu n diidi a cogibigbenga cogu leni mi bancanma lingima yeli po.

A Koanbala Taanli go dini a bala Tuonjaana tuona gobidikaaba liiga yaaba yaa ligi n bogini ti diema nni u cogu leni mi bancanma lingima po (FONEERI) leni Bulicina Faso INIVERISITE viritieli (UV-BF) kani.

A. YAA KOANBADIEGU N DIE I LAABAALI, KU MAASUAGU LENI YANLUADI GOADA TUONA

A Koanbala Taanli taa **jagalie (02)** .

Li jagikpiali dini Batelemi **KONSEBO**, ke o lanba li tuonli nni tie **49 501 R**, ki tie i laabaali tuonsoantiadi tuona bandiciamo, wan tua Baalo tuonsoanbando, yaa koanbadiegu n diidi enterineti leni a tisoankaana tuonsoandiedi leni telefonni

Tinunga **21** bonmu **27** nni

tuona yeli po, yaa cagili n gobidi yaa tuonsoandieciangu n tuuni ti junjundi leni u nialu tuona cogidieli kani (ISISI-SE) bina taa (03) siiga mi cilima po, wan lebidi yua tie Lalidawogo SORIGO.

Li jagielieli kani bi guani ki pandi Sulemaani **SONGO** bali bina taa po, ke o lanba li tuonli nni tie **212 390 L**, ke o tie li tuonli goandikoa, ke waa tie Baalo tuonbando yaa koanbadiegu n diidi Baalo saliwuudo leni yaa tuonsoanba n gaani i nmapani yema njamu yeli po, yaa cagili n gobidi yaa tuonsoandieciangu n tuuni ti junjundi leni u nialu tuona cogidieli kani bina taa siiga mi juodima po.

B. YAA KOANBADIEGU N DIIDI BU KPAABU LENI LI YANWUBILI TUONA

A Koanbala Taanli taa li **jagili** ki dini li bali o joa Sawonabateriyan **SOME**, ke o lanba li tuonli nni tie **207 470 D**, o tie bu kpaabu tuona bando, ke wan kua yaa cagili n gobidi Maturiku cogidiegu ti diema nni yaagu yaa kani ke bi bangi bu kpaabu tuona (Maturiku ENAFA) a cogibila yeli nni, o baa yaa kubi laa bali yaa yogunu banlu ke o tie a cogibila liigiyua, o lebidi Do SANU.

C. YAA KOANBADIEGU N DIIDI MI TAGIMA TUONSOANDIEDI FINDIMA , U KPENDU TUONA LENI U NUU TUONSOANBANMA

A Koanbala Taanli taa **jaga lie (02)**.

Li jagikpiali dini Karimi Watara, ke o lanba li tuonli nni tie **117 067 L**, o tie u loagu tuona tundikoa, wan tua Baalo tuonbando yaa cagili n gobidi u tuonsoandiegu yaagu n todi i ligi leni u kpendu tuonsoandiedi findima (AYEFIPE-PEME) kani bina taa siiga mi cilima po, u koanbadiegu yaagu n diidi mi tagima tuonsoandiedi findima, u nuu tuonsoanbanma yeli po,.

Li jagielieli pandi Bisunadie Rawuli **TIENE** bali, ke o lanba li tuonli nni tie **212 617 J**, o tie u loagu tuona tundikoa, o tua Baalo tuonbando yaa cagili n gobidi DAFANI-SA bina taa (03) siiga mi cilima po, yaa koanbadiegu n diidi mi

Tinunga 22 bonmu 27 nni

tagima tuonsoandiedi findima, u kpendu tuona leni u nuu tuonsoanbanma yeli po.

D. YAA KOANBADIEGU N DIIDI A COGIBIGBENGA COGU LENI MI BANCANMA LINGIMA

A Koanbala Taanli taa **jaga luoba (06)**.

Li jagikpiali kani bi dini yaa niba n tie ne a bala ke bi tie tuonbanda yaa cagili n gobidi yaa ligi n bogini ti diema nni u cogu leni mi bancanma lingima po (FONEERI) bina taa siiga mi cilima po .

YAABA N TUA BAALO TONDA A TUONJAANA NNI BAALO YELI PO

- O joa Isa **YONABA** ke o lanba li tuonli nni tie **46 226 T**, o tie baalo ligituonsoandiedi tuona goandikoa ke o lebidi Gawusu **GANDEMA**.

YAA KOANBADIEGU N DIIDI A COGIBIGBENGA COGU LENI MI BANCANMA LINGIMA

- Umaru **WEDARAWOGO**, ke o lanba li tuonli nni tie **215 008 U**, o tie cogibigbenga canbaanciamo, ke o lebidi Ali **SAWADOGO**;
- Mipiro **Hien** , ke o lanba li tuonli nni tie **59 238 B**, o tie cogibigbenga cogicanbaa leni bancanma lingido ke o lebidi Yugibare Weneguda Mariyeti **MININGU**.

YUA N BAA LI BALI COGIBILA CANBAANBA CAGILI YELI NNI

- Kalikisiti **KABORE**, ke o lanba li tuonli nni tie **56 030 P**, o tie cogibigbenga cogicanbaa leni bancanma lingido ki lebidi Olivie **ÑANKINE**.

Tinunga **23** bonmu **27** nni

YUA N BAA LI BALI A COGIBIGBENGA COGU BONLI COGIDIENA DANBA YELI NNI

- Mumuni **SERE** ke o tie u loagu kubikoa ke o lebidi Isimayeeli Laji TURE.

YUA BAA LI BALI A COGIBIGBENGA YELI NNI

- Olivie **NIÑAN**, ke o tie cogibigbengili bi niba leni a tuona sanbila ñoadima cogu nni ke o lebidi Sangakiri SARAMIDE.

Li jagilieli pandi yaa niba n tie ne bala ke bi tua tuonda yaa cagili n gobidi yaa ligi n bogini u cogu leni mi bancanma lingima po (FONEERI) bina taa (03) siiga mi juodima po.

YUA N BAA LI BALI YAABA N TODI I LIGI YELI NNI

- Wonuma Nikola **MILOGO**, ke o lanba li tuonli nni tie **91 100 089**, o tie u loagu kubiló Loteri ti diema Bulicina Faso nni (LONAB).

YUA N BAA LI BALI YAA NIBA N TUUNI FONER YELI NNI

- Tua Susiten **KULIBALI**, ke o lanba li tuonli nni tie **334 309 E**, o tie i laabaali tuonsoantiadi bonginli bandiciamo.

Li jagitaali dini Isa **YONABA**, ke o lanba li tuonli nni tie **46 226 T**, o tie baalo ligi tuonsoandiedi tuona goandikoa, o tua liiga yua yaa cagili n gobidi yaa ligi n bogini ti diema nni u cogu leni mi bancanma lingima po (FONEERI) bina taa mi cilima po .

Li jaginaali dini li bali yaa niba n tie ne ke bi tua gobidikaaba ki kua yaa cagili n gobidi Bulicina Faso UNIVERISITE viritieli tuona bina taa (03) siiga mi cilima po.

YAABA N TUA BAALO TONDA A TUONJAANA NNI BAALO YELI PO

Yaa koanbadiegu n die a cogibigbenga cogu leni mi bancanma lingima

- Antuani **SANON** , o lanba li tuonli nni tie **57 291 D**, o tie lingido.

Yaa koanbadiegu n diidi u loagu, i ligi leni a tuonboginkaana

Olo Jisilen **SIBI** , o lanba li tuonli nni tie **58 457 C**, o tie baalo ligi tuonsoandiedi tuona goandikoa.

Yaa koanbadiegu n diidi u gbannansaagu jeliti tuona, bi nipanba leni a tuona maama

- Pudosipeeri **KABORE** , ke o lanba li tuonli nni tie **207 647 X**, o tie u gbanansaagu jeliti cogu canbaanciamo.

Yaa koanbadiegu n diidi laafia leni i kaani ngangu tuona:

- **KANBU** pua Benilidi Mari-Aansi **TIEMITOORE**, ke o lanba li tuonli nni tie **104 995 H**, o tie a taanciamà canbà a logitodieciamà leni a cogidieciamà nni.

Yaa koanbadiegu n diidi enterineti leni a tisoankaana tuonsoandiedi leni telefoni tuona

Agigetina Wilifiridi **BATAKO**, ke o lanba li tuonli nni tie **117 351 D**, o tie i laabaali tuonsoantiadi tuona bandiciamo.

YUA N BAA LI BALI TI DIEMA NNI MI BANCANMA , I LAABAALI LENI LI BOELI FINDIMA (ANPTIKI) YELI NNI

- Aluuna **Watara**, ke o lanba li tuonli nni tie **260 670 N**, o tie polisinba komiseeri liiga yua ki go tie i laabaali tuonsoantiadi bandiciamo.

Tinunga **25** bonmu **27** nni

**YUA N BAA LI BALI YAABA N TIE TUONSOANTODIKAABA SALIWUUDI
TUONSONDIEDI NNI YELI NNI**

Amedi Musa **JALO**, o tie yaa cagili n gobidi u cogu, li tuonli leni laa tuonsoanba bangima liigiyua.

**YUA N BAA LI BALI TI DIEMA NNI A COGIBICEGIDINKAANA LENI A
COGIBIGBENGA DANBA CAGILI TI DIEMA BULICINA FASO NNI YELI
NNI (UNAPESIBE)**

Hekitoori Aridan Rafayenli Ñande Wediraogo, o tie UNAPESIBE liigiyua.

Li jagimuuli pandi yaa niba n tie ne bala ke bi tie tuonbanda ki kua yaa Cagili nni n gobidi Bulicina Faso INIVERISITE viditieli tuona.

YUA N TUA BAALO TONDO

**Yaa koanbadiegu n die a bonwaala leni a bicegidinkaana cogu, ti
maamaamaama cogu leni ti diema mabuoli findima yeli po**

- O pua Pamañi Delifinni **BITIE**, ke o lanba li tuonli nni tie **233 757 N**, o tie i laabaali tuonsoantiadi bando.

**YUA N BAA LI BALI BULICINA FASO DIEGU YAAGU N YE U KPENDU
TUONA PO**

Isimayeli Tanamida **SAWADOGO**, ke o lanba li tuonli nni tie **56 686 G**, o tie cogibigbenga cogicanbaa leni bancanma lingido.

Li jagiluobili dini li bali Antuani **SANON**, ke o lanba li tuonli nni tie **57 291 D**, o tie cogibigbenga cogicanbaa leni bancanma lingido, ke o tua liigiyua yaa cagili n gobidi Bulicina Faso Univerisite viditieli tuona bina taa (03) siiga mi cilima po.



www.sig.gov.bf

Gouvernement de la Côte d'Ivoire
Govenema Masoagindo

Le Porte-parole du Gouvernement,



Rimtalba Jean Emmanuel OUEDRAOGO

Officier de l'Ordre de l'Étalon

Rimaliba Jan Emanuweli WEDARAWOGO

O baa Baalo jaandi leni Tanjoa maalima

Tinunga 27 bonmu 27 nni